

## Waar of niet waar ?

Dick van Bloemendaal, tekening Gerard Schut

*Hele kleine verhaaltsjes die soms warkeluk gebeurd bin en verhaaltsjes die ik uut mun duum 'ezeugen het. Veur julie un vraag, mar veur mien un weet, welke wel of niet waar bin.*

### De slagerie en de smederie



Toen wulie as op'escheuten jonges vrogger deur ut darp liepen te scheumen was dur niet zo heel veul te beleven, je gingen us effe kieken bij Frans Goettsch, de slager op de hoek van de Poststraat en de Kelneriestraot bie ut marktplein.

As hie varkes an ut slachten was kree'je soms un varkesblaos, die je dan mit je mond opblaosde en mit un stukje touw dichtbunnen en dan ha'je un voetbal of je maakte dur tuus un foekepot van.

As hie un stier slachte

kree'je niks, mar as Frans effe weg was grepen wulie gauw zo'n stierebal en daor kos je ok wel mee voetballen

Ok gingen we vaak kieken bie de *smederie van Barend van der Zanden* in de Verlengde Dorpsstraat.

Ok gingen we vaak kiekeken bie de smederie van Barend van der Zanden in de Verlengde Darpsstraot. As hie un peerd an ut beslaon was kos je dat al van veerof ruuken. Vur de smederie stung un houten travalje, un stellige waorin ut peerd dat besleugen mos worre in werd 'ezet. Barend kwam dan mit un roodgleujend hoefiezer in de tang naor ut peerd en dan zette hie dat op de hoof van ut peerd, un vieze griezige walm van 'eschreud hoorn kwam dur dan of. As ut paste dee hie ut hoefiezer in un bak mit waoter en sissend koelde ut of. Hiernaow werd ut peerd besleugen en of en toe gromde Barend wat umdat ut peerd Barend mit zun start um zun oren sleug.

Dat gebeurde veural in de zoemer as dur veul steekvliegen waren waor ut peerd last van had en mit zun start de vliegen weg wou slaon. Die travalje werd niet altied gebruikt, meestal alleen as ut peerd onwillug en weerbarstug was.

Op un keer gebeurde ut dat un peerd, dat an de achterhoeven besleugen mos worre steeds weigerde um zun achterbeen op te beuren. Dan trampte ut elke keer achteruut en kos Barend niet opschieten. De baos van ut peerd stung dur bie en die zeit " Barend, bien zun achterbeen toch an zun start vast", en dat het hie toen mar 'edaon. Ut peerd stung toen op drie benen en was toen aordug kuum en Barend kos weer verder mit zun wark.

Op un gegeven moment had ut peerd dur genug van en geeft un beste tramp achteruut. "Oei, oei"zeit Barend, want ut peerd trampte in één keer de hele start van zun kount, de veearts mos dur nog an te pas komme um de woend te helen. Barend het die start altied bewaord, hie hing an un balk in de smederie en as zun vrouw un nije knoop an zun broek mos zetten dan gebruikte ze un haor uut die start, dat was zo stark dat die knoop dur nooit meer ofging.

+++